

命擇好道之士遣用勅

勅正一嗣教真人張宇清爾遣道士王友來進表朕以靈應圓光圖示之彼乃不好道者觀之默無一語未終一二紙即欲起身其心誠有所不信今後差使必擇好道崇重本教者遣之庶光輔於玄門有裨益於道宗也故勅

廣 運

永樂十一年七月初四日

之 寶

頒賜太和圓光圖并榔梅勅

勅正一嗣教真人張宇清武當天下名山

道藏輯要

漢天師世家

七

翼集七

真武成道靈應感化之地元末宮觀悉燬于兵遂使羽人逸士修煉學道者無所依仰朕積誠于中命創建宮觀上以資

薦

皇考

皇妣在天之靈下為天下生靈祈福

天真感格靈應屢臻圓光燭霄榔梅垂寶臣下繪圖并以榔梅來進恭以薦

先頒賜廷臣用昭

神貺茲特遣人齎圖及榔梅百顆賜爾爾其欽受之故勅

廣 運

永樂十一年七月初四日

之寶

命選武當山住持勅

勅正一嗣教真人張宇清武當天下名山

真武成道靈應顯化之地元末宮觀悉燬于兵遂使羽人逸
士修煉學道者無所依仰朕積誠于中命創建宮觀上以資
薦

皇考

皇妣在天之靈下爲天下生靈祈福俾雨暘時若災沴不生年
穀豐登家給人足今宮觀告成而

道藏輯要

漢天師世家

卷

川文天 彙集七

神明屢顯休應圓光煜煜五色燦爛

神像昭彰見于光內觀者數十萬人咸加歎異已賜名曰

玄天玉虛宮

紫霄太玄宮

五龍興聖宮

南巖太聖宮然此名山勝境必得高人羽士以住持看守南
巖太聖宮已嘗令右正一孫碧雲爲住持外其三處爾卽選
有道行者各二人爲住持別選至誠敬謹道士每處各五十
人看守如一時揀選不如數隨爾所選得若干人就分派四
處看守精進修行興隆道教故勅